



Atleta Renze Postma

Ta atende un campo di entrenamiento na Bogota, Colombia

Oranjestad - Recientemente e atleta den e deporte di triatlon Renze Postma a biaha pa Bogota, Colombia, unda e lo atende un campo di entrenamiento esaki como preparacion pa e Weganan Panamericano como tambe e Aruba Int'l Triathlon.

Pa mas di dos siman largo,

Renze lo keda Bogota unda lo traha duro riba su tres disciplina nan esta landa, core bicicleta y core na pia. Mirando e altura di Bogota, Renze lo mester adapta un poco na esaki. Den pasado ya caba Renze a atende un campo di entrenamiento na Colombia.

E atleta di aña local di 2014, sigur conoce un crecimiento

den e deporte di Triatlon unda e la sa na crece y bira un di esunnan di miho na Aruba pesar di su edad hoben ainda.

Den mayoria competencia local Renze a sa na triunfa cu un prome luga, mientras den competencianan internacional den nos region e ta duna bataya fuerte logrando un bon puesto entre e grandi

den triatlon Sur Americano, Centro Americano y Caribe.

Renze ta trahando duro pa logra su sueño esta di yega e Weganan Olimpico di Rio 2016. Aunke cu e sa e meta aki no lo bay ta uno facil, pero cu perseverancia y determinacion e lo purba haci todo lo posibel pa esaki bira un realidad. □